

# Xujun xi tjun kits'ínkjihí nda postru Pablu Timoteo

## B'í ts'ín kikjaniñaha Pablu Timoteo

**1** An Pablu, an xi kama nku nda postruhu<sup>a</sup> Jesucristo xi nkú ts'ín y'ejña Ntíaná xi ts'ínk'ankiná ko Jesucristo xi tíchuyáha. <sup>2</sup>Tífaniñaha Timoteo, ji xi ntína at'aha nkuhú xi s'ejinná.

Katsjáhi kjuanda ko kjuajyu Ntia Nq'miná ko Nda Ntíaná Cristo Jesu ko nda katasehi.

## B'í ts'ín kitsúyaha Pablu Timoteo ni xi tjihin nga ts'íinko já maestru xi tsank'á

<sup>3</sup>Xi nkú ts'ín tsankihi nk'ie nga ngjia ante Macedonia, tinchin nanki Efeso kixihin ko t'ech'óihí xuta xi najmi b'a tjín ni xi t'ibakúya, <sup>4</sup>at'aha échá xi nchja xuta ko xi nkú ts'ín nibatuts'ihín ra ntje cháha títs'ínsihin. At'aha yo nibáha ra nga b'ésiko xinkjín xuta. Najmi basinkoná nga n'eé xá xi kitsjáná Ntíaná. Nga ní s'ejinná, kui ní nihi xi basinkoná.

<sup>5</sup>Mjena nga s'e kjuatjo, kui kjuaha nga tsankihi ra nga k'úéch'oho rí xuta xu'bo. At'aha nk'ie nga je animaha xuta ko je s'eya kjuankjintak'uhun ko ngayjehe k'un ts'ín s'ejin Ntíaná, yo ní nibáha ra kjuatjo. <sup>6</sup>Tjín xi ja ngji t'axíhín ni xu'bi. Kindyjajihín niyóo ko tsichujnejin én xi najmi tjíhín sin. <sup>7</sup>Já maestruhu kjuatéxumaha Ntíaná mjehe ts'ín ma yjoho, ndaha tsa najmi mankjihín ni xi nchja ko chuba b'ahá tsu nga b'a tjín ni xi bakúya.

<sup>8</sup>Yaá nga nda kjuatéxumaha Ntíaná tsa sakúya xi nkú ts'ín tjíhín nga sakúya. <sup>9</sup>At'aha yaá nga najmi xuta xi ma naxu nginkun Ntíaná tíjñanehe kjuatéxumoo. Xi najmi nt'é'én ní tíjñanehe kjuatéxumoo, xi najmi benkjún Ntíaná ko ts'ín ngatitsun, xi najmi ts'ín ni xi naxu tjín ko najmi benkjún ni xi ts'e Ntíaná, xi ts'ínk'ien na'mihí ko ts'ínk'ien naaha ko ts'ínk'ien animá, <sup>10</sup>xi chuba fantukohó xinkjín, xi na, xi batéña xuta musu, xi nchja én tsank'á, xi najmi ts'íntjusun ni xi ts'ínkie Ntíaná nga ts'ín, ko xi ts'ín tu mí nihí ni xi fi kontraha ni

---

<sup>a</sup> 1:1 “Xi kis'exá” tsuhu ra “nda postru” ko a ra “já postru”.

nda xi bakuyáá. <sup>11</sup> At'ahá ni nda xi bakuyáá, yó nibáha ra én nda tsu chánkaha Ntǎná xi n'etsjohó. Kó an kik'áina nga k'uenujmíá kui én nda tsuu.

### **B'i ts'ín títjáhá Pablo máb'achjǎhi Cristo at'ahá kui kits'ín maha nku nda postru**

<sup>12</sup> Tsjaha máb'achjǎhi Nda Ntǎná Jesucristo xi tsjá nga'yúnna, at'ahá tsasejnuna nga kamana ts'ian xáha, <sup>13</sup> ndaha tsa ch'on ts'ín kinchjané nǎstjin nk'ie kó kitsjennkí unkie xuta xi ts'e kó én ch'on tsu kixihín. Tunga kama nimahá ra an at'ahá najmi be ni xi kits'ian kó najmi kjeé kui s'ejinna. <sup>14</sup> Yún nda kits'ínkóna Nda Ntǎná kó kitsjána nga kui s'ejinna kó kitsjána kjuatjo xi kui nibáha ra.

<sup>15</sup> Én xi ma n'e s'ejin xu'bi kó ngayjee xuta tjǎhin nga ts'ín s'ejin, nga Cristo Jesu j'ai asunntej tǔ xi j'ai ts'ínk'ankihi xuta ngatitsun, b'ahá ra an xi 'yún tjǎna jé. <sup>16</sup> Tunga kuihí kjuaha kama nimaha ra an Ntǎná, tǔ xi nk'ie nga chahana an xi 'yún tjǎna jé, kuakúchjǎhi Jesucristo ngayjee kjuatsentaha. B'a ts'ín kis'ejna chubayahá ra an xuta xi askahan s'ejihín Jesucristo kó sakúhu nga k'úentu tǎk'un sǎn. <sup>17</sup> Kui b'a maha, jkayankjún kó kats'ínkie yjohó xuta nga tjǎhin kjuachánka santaha tǔ nkjéhé ni Ntǎná xi Nda rej xi batéxuma sǎn, xi najmi maha 'me, xi najmi ma chji, xi nku tutu Ntǎná maha! B'a katuma.

<sup>18</sup> Ji Timoteo, xi nkúhu tsa ntǎna ji, ja kuaxinyaha ni xi n'ei. Én xi kitsjáhi já xi kinchja én xi kitsjáha Ntǎná nibáha ra kui ni. En xi incha kitsú kuasinkohi nga nda kuitjusun xá xi tǎn'ei. <sup>19</sup> Ndjá tǎsinǎjain ni xi s'ejinná kó je kas'eya kjuankjintak'uhín. At'ahá tjǎn xi ja kits'ín t'axín ni xu'bi kó b'a ts'ín kits'ínndyjajihín ra yjohó. Najmi ta s'ejihín ra Ntǎná. <sup>20</sup> B'a kamat'ain nda Himeneo kó nda Alejandro. Kui jóo xi ja kits'ínkjas'en aya ntsja ndanindoo tǔ xi katehe nga tjǎhin nga skuenkjún Ntǎná nga kuinchja.

### **B'i ts'ín tsakúya Pablo ni xi n'e aya nǎnku**

**2** Títjun tǎbankia nga xuta nǎnku katankihí Ntǎná ni xi machjéhen. Kanchjako kó katankintjáí ngayjee xuta xi tjǎn kó katsjáha máb'achjǎhi nga nda tǎts'ínkoho. <sup>2</sup> Kanchjantai já rej kó ngayjee já xi tjǎhin xá, tǔ xi kjuajyu kó kjuanch'án s'ehená nga kuǎntsubáá kó tǔ nku chankjúhúnná Ntǎná kó nda kuǎntsubáá. <sup>3</sup> At'ahá kui ni xu'bi xi nda kó sasǎhín Ntǎná xi ts'ínk'ankiná. <sup>4</sup> Mjehe Ntǎná nga n'ek'anki ngatentee xuta kó nga kuichú mankjǎhín ni xi naxu tjǎn.

<sup>5</sup> At'ahá nkuhú maha Ntǎná kó nkuhú maha nda xi nchjantjai xuta nginkun Ntǎná. Jesucristo, kui xi nda xu'bo. <sup>6</sup> Kui xi kitsjá yjohó nga y'échjǎntjai ngayjee xuta. Kui niu xi kik'inyaha xuta nk'ie nga

tsichu nǐstjin xi y'éndá Ntǐaná. <sup>7</sup>Kui kjuǎha nga kin'e mahana nku xi b'énǐjmí én nda tsuhu Ntǐaná, nku ndǎ postru. Kjuǎxi ni xi tǐxian. Najmi tǐb'anǎqha. Kin'e mana ndǎ maestruhu xuta xi najmi ntje judio tǐjehen ra tu xi kuakuyáha ra ni xi tǐjhin nga s'ejihǐn, ni xi nǎxu tǐjn.

<sup>8</sup>Kui b'a maha, mjena nga tu má antehé ni kanchjako Ntǐaná jáx'iun, katjénk'ahá ts'fhin ntsja ko je kas'eya animaha nga b'a incha ts'iín. Najmi tu kjuǎkjan tǐjntujǐhǐn nga b'a incha ts'iín ko tsa kjuǎstinta.

<sup>9</sup>Ko máha jminchjǐun, mjena nga najmi tu ni xi nkjún ts'ín k'uéndá yjoho, tsa tu xi b'a ts'ín nda skuehe ra xuta xingisoo. Katenkjún ní yjoho ko nǐmakjua kat'asje. Najmi tu nihi xi nkjún ts'ín kat'énda ntsjaha, tsa ts'iǐntsejnúhu yjoho toonsine ko tsa ndjio tsjo k'un perla, ko tsa ngjua najyun xi 'yún chǐ. <sup>10</sup>Xá xi nda ní n'e, kui niu xi tsjo ts'ín katakúhu, xi nkú ts'ín tǐjehen ra jminchjǐn xi ja kitsjáha yjoho nga skuenkjún Ntǐaná.

<sup>11</sup>Jyu katasǐnǐju jminchjǐun ni xi tǐsakúyaha ko kant'é'éhen éen. <sup>12</sup>Najmi tsjanté tsa nku tachjuún kuakúya aya nǐnku ko tsa kui nk'a k'juǎha jáx'iun. Tu sa ní jyu kat'ejña. <sup>13</sup>At'aha najmi Eva tjun kin'enda, tjun ní Adan kin'enda. <sup>14</sup>Ko najmi Adan xi kich'anǎqaha. Tachjúun ní xi kich'anǎqaha ko b'a ts'ín tsijnejihǐn ngatitsun. <sup>15</sup>Tunga n'ek'ankihǐ jminchjǐun nga kuasehe ntǐ xi s'ehe, tsa ndjá kuinchajin ni xi s'ejinná ko kjuatjoo ko ni xi je nginkun Ntǐaná, ko tsa nda s'eyaha.

### B'ǐ ts'ín tsakúya Pabló má jáha xi kama ts'iín xáha nǐnku

**3** Én xi ma n'e s'ejin xu'bi. Tsa tǐjn xi mjehe kuasehe xuta nǐnku, nda tǐjn xá xi mjehe. <sup>2</sup>Tunga katumahá ndǎ xi kuasehe nǐnku nku ndǎ xi najmi tǐjn ni xi chubayanéhe ra, xi nkuhú maha chjuúhǐn, xi kixǐ fiko yjoho, xi nda basehe ni xi ts'ín, xi benkjúhǐn xuta, xi nda ts'ínkjǐhǐn xuta ni'yaha, xi maha bakúyaha xuta, <sup>3</sup>xi najmi 'yún 'bi binu, xi najmi kitsǎ ma kjahan, xi nda animaha, xi tsjoho kjuajyu, ko xi najmi toon mangimjehe.

<sup>4</sup>Tǐjhin nga nda ts'ín kuatexumaha xuta xi tǐjn ni'yaha ko ts'iín nga ntǐhi kuǐnt'é'éhen ko nga kixǐ skuenkjúhǐn. <sup>5</sup>At'aha nku ndǎ xi najmi maha batexumaha xuta xi tǐjn ni'yaha, ¿nkú ts'ín kamaha ra kúnntaha nǐnkuhu Ntǐaná?

<sup>6</sup>Ko najmi tǐjhin nga s'et'a xá nku ndǎ xi as'ai kis'ejihǐn ra Ntǐaná, tu xi najmi nk'a k'uasjehe yjoho ko kuijnejihǐn ngatitsun xi tsijnejin ndanindoo ko b'a ts'ín n'eníjéhe ra. <sup>7</sup>Nda xi mjehe xá xu'bi ta tǐjhin nga ja yankjún ajihǐn xuta xi najmi s'ejihǐn Ntǐaná, tu xi najmi ch'a ch'on ts'ín kuinchjayanéhe ra ko tu xi najmi kuijnejihǐn kjuamañaha ndanindoo.

<sup>8</sup>B'a ta tjin ts'e ja xi basinko ja xi basehe ninku. Tjihin nga ja xi benkjün yjoho s'et'a xa, xi najmi nchja en tsank'a, xi najmi b'atihı nga 'bi binu, xi najmi mjehe toon xi ch'on ts'in sakú. <sup>9</sup>Tjihin nga ndja katinchajin ni xi s'ejinna, ni xi kis'ejna 'ma nıstjin nk'ie ko ts'ejna chji nd'ai, ko je kas'entuyá kjuankjintak'uhun. <sup>10</sup>Tjun kachase sisihin xi nkú ts'in tjıma ja xu'bi. Tsa najmi chumi nihi xi sakújin, kas'et'a xa nga kuasinko ja xi basehe ninku.

<sup>11</sup>Ko b'a ta ts'in jminchjün, tjihin nga katenkjün yjoho, najmi tu en tsank'a k'uasjené xuta, kixi katjiko yjoho, ko katuma 'yún tak'aán.

<sup>12</sup>Nkúhú chjuún kas'ejna nda xi k'uai xaha nga kuasinko ja xi basehe ninku. Tjihin nga nda ts'in kuatexumahı ntıhi ko xuta xi tjin ni'yaha.

<sup>13</sup>At'aha xi kixi fiko xa xu'bi, kui xi yankjün ajihin xuta xingisoo ko najmi jo jan mahı nk'ie nga b'enıjmi nga ja kis'ejihin Jesucristo.

<sup>14</sup>Ndaha tsa mjena kfınse xatıhi, tunga tıb'et'áha ra ni xu'bi <sup>15</sup>tsa tu aha k'uandayana nga kfınsehe. Tıb'et'áha kui niı tu xi b'a ts'in chahani xi nkú ts'in xuta xi ts'e Ntiana, kui xi xuta ninkuhu Ntiana xi tjina tık'uun. Tııncha kjanınk'a ko tsja nga'yúhun en xi naxu tjin.

<sup>16</sup>Tjina chji chji nga 'yún tse ni xi y'aha ra ni xi s'ejinna, kui nihi xi kis'ejna 'ma nıstjin nk'ie ko ja y'ejna chji Ntiana nd'ai.

Tsakúchji yjoho nga kik'a yjoninte,

y'ejna chji Espiritu nga kui xi naxu.

Ntıtsjee kıkıehe,

kis'enıjmihi ajihin xuta.

Xuta asunteeı kis'ejihin kui,

ko ngji ngáha má tjina kjuachánkaha.

### **B'i ts'in kitsúyaha Pablo Timoteo nga s'e xi ngjuai t'axihin en nda tsuhu Cristo**

**4** Tsuya chji chji Espirituhu Ntiana nga nıstjin xi fekuu s'e xi ngjuai t'axın ko nga najmi ta s'ejihin ra Ntiana. Tsjenkihi janında xi k'uanachaha xuta ko ni xi kuakúya janındo. <sup>2</sup>Kui niu xi kuıtsuya ja maña tsank'a xi tu tsjohó ra bakúchji xi nkú ts'in benkjün Ntiana, kui ja xi ja tsatsun kjuankjintak'uhun.

<sup>3</sup>Kui jóo najmi ts'ınj'o nga bixan xuta ko b'éch'o má nihi xi najmi ma chine, nichine xi Ntiana y'ejna nga kjine xuta xi s'ejihin Ntiana, xi ja kıkıe ni xi naxu tjin ko tsjaha má b'achjıhi Ntiana nk'ie nga kjine ni xi tjin. <sup>4</sup>Nda ní ngayjee ni xi kits'ınnda Ntiana. Najmi tjihin nga n'e t'axıán niu tsa k'uaıhi máb'achjıhi Ntiana nga títsjana. <sup>5</sup>At'aha bichú ma je nginkun Ntiana ni xi sakúná nk'ie nga mankjinná éhen Ntiana ko nk'ie nga chubaká Ntiana.

### **B'i ts'in kitsúyaha Pablo Timoteo xi nkú ts'in k'úejnjihin xuta ninku**

<sup>6</sup>Nda ts'in n'exát'aihi Jesucristo tsa b'i ts'in kuakúyaihi ja nts'ee. Kasakú nga'yúnkoıhi en xi s'ejinna, en nda xi tsinchiyái ko kich'ai.

<sup>7</sup>Najmi tu n'esihín échá nchini xi ts'e asuntei. N'enkahí animahí ni xi ts'e Ntíaná. <sup>8</sup>Kjuaxi kjáíhin nga nk'ie nga n'enkahá yjoná nku ni, basinkohó yjonintená. Tunga 'yúhún basinkoná nga n'enkahá animaná nga chankjáán Ntíaná. At'ahá nga tíyankjáán Ntíaná, kui xi basinkoná xi nkú ts'ín tintsubaá nd'ái kó tǎ xi nkú ts'ín kuintsubaá askahan.

<sup>9</sup>Én xi ma n'e s'ejin xu'bi kó ngayjee xuta tjíhin nga ts'ín s'ejin.

<sup>10</sup>Kui kjuaha 'yún tín'exáhaná kó tí'baihi ráá kjuanimá yjoná, at'ahá tíchuyáá ni nda xi tsjáná Ntíaná xi tíjña tǐk'un. Kui xi maha ts'ínk'anki ngayjee xuta, xi s'ejihin kui b'ahá rá nga ts'ínk'anki.

<sup>11</sup>B'a ts'ín tjenniyáíhi xuta kó takúyaihi. <sup>12</sup>Najmi tu ch'a xi tu tohón katumahá ji at'ahá ndati. Nk'ie nga skuehi xuta xi s'ejihin Ntíaná xi nkú ts'ín chubai, xi nkú ts'ín tinchin, xi nkú ts'ín n'etjói xuta, xi nkú ts'ín s'ejihin Ntíaná, kó xi nkú ts'ín je tinchin nginkun Ntíaná, tǎ katumahá kui nii.

<sup>13</sup>N'eyajihin xuta ninku éhen Ntíaná, takúyai kó tjen nga'yúhín santaha nga kuichá yo. <sup>14</sup>Najmi tu n'e nga mahí yjohí kjuanda xi kik'aihi nk'ie nga kitsjáhi éhen Ntíaná já xi Ntíaná kits'ínkinchjáha. B'a kama nk'ie nga kingjénnehi ntsja jácháha xuta ninku. <sup>15</sup>Nda n'esihín ni xu'bi kó tisinjñajin, tu xi skuehe ngayjee xuta nga tíxubáya ni xi kik'aihi.

<sup>16</sup>Chíhin yjohí kó nda chasehi ni xi tǐbakuyái. N'etjusun tehentei niu. Tsa b'a n'ei, n'ek'anki yjohí kó tǎ n'ek'anki xi tǐncha basínñihi.

### **B'í ts'ín kitsúyahá Pablo Timoteo xi nkú ts'ín ts'ínxáko xuta ninku**

**5** Najmi tu ndjá chubakoi nku nda chá. Tjenniyáíhi xi nkúhu tsa ng'mihí maha. B'a tǎ n'ekoi já xunkúu xi nkúhu tsa já nts'ei maha. <sup>2</sup>Kó tjenniyáíhi jminchjín chóo xi nkúhu tsa náhi maha, kó istinchjín xunkúu xi nkúhu tsa nichjai maha. Je kas'eya animahí nk'ie nga tjenniyáíhi jminchjún.

<sup>3</sup>Tisinkoi jminchín xi ja k'ien x'ihín, kui xi najmi ch'a xi tjíhin.

<sup>4</sup>Tunga tsa nku tachjuún xi ja k'ien x'ihín xi nga kó tsa nchá tí'mi, xi títsu nga kó tsa nchá, kui xi tjun katuma chubayahá ni xi tjíhin nga ts'ín at'ahá ja s'ejihin Ntíaná. Kats'ínk'óya ngáha rá kjuanda xi kitsjáha xi cháha nk'ie nga kjintí. At'ahá kui nii xi sasíhin Ntíaná.

<sup>5</sup>Nku tachjuún xi ja k'ien x'ihín kó xi najmi ch'a xi tjíhin, kui xi kuyá nga Ntíaná kuasinkohó. Nistjin nistjen nchjako Ntíaná nga bankihí ni xi machjéhen. <sup>6</sup>Tunga xi ja kits'ínkjas'ehen yjohó kjuatsjo xi tjín, kui xi ja k'ien ndaha tsa tíjña tǐk'un sa.

<sup>7</sup>N'ek'a niyákoí xuta ninku ni xi kuaxihin, tu xi najmi chubayanéhe ngat'ahá ni xi tǐncha ts'ín. <sup>8</sup>At'ahá xi najmi nkjún mahá xuta xinkjín, b'ahá rá xi tjǐntu ni'yahá, kui xi títs'ín t'axín xi s'ejinná kó 'yún ch'onk'un sa nga xuta xi najmi s'ejihin Ntíaná.

<sup>9</sup>Tu j'áíhín ní jminchjín xi k'ien x'íhín, xi ja tjíhín cháte kō te nú, kui xi kas'et'a xujun, xi nkuhú x'ín kis'ejñaha, <sup>10</sup>xi behe xuta nga nda kits'ín, xi 'mihí nga nda ts'ín kits'ínchá ntíhí, nga nda ts'ín kitsjántehē xuta ni'yaha, nga nda ts'ín kits'ínkjáíhín xuta xi ts'e Ntíaná, nga nda ts'ín tsasinko xuta xi un kíkíehē kō nga ngayjehe animaha kits'ín ngayje tíkjá ni xi nda.

<sup>11</sup>Jminchjín xi ja k'ien x'íhín tunga kjintíhí sa, najmi tu b'et'a xujuin. At'aha nk'ie nga kuinchja animaha, ngjuai t'axíhín Cristo kō kama mjehe nga kuixan ngáha. <sup>12</sup>Kui niu n'enijéhe ra, at'aha najmi ngjikondju ni xi tjun kits'ínkjás'eheñ yjoho. <sup>13</sup>Kō ni xi incha ts'ín ya, ts'e ma kō xkí ni'ya incha b'ema. Kō najmi tu suba ts'e ma, én ní ya incha b'emako kō tsungijin yjoho tu mí nihí ni, kō nchja ni xi najmi tjíhín nga kuinchja. <sup>14</sup>Kui b'a maha, mjehena nga kuixahan jminchjín xi ja k'ien xihín xi ndyja saha, kō nga s'ehe ntí kō nga kuasehe ni'yaha, tu xi b'a ts'ín najmi tsjántehē tsa kuinchjayanéhe ra xi fi kontraná. <sup>15</sup>At'aha tjín xi ja ngji t'axín kō yjankihí Satana nd'ai.

<sup>16</sup>Tsa ni'yaha xuta xi s'ejihín Ntíaná tjíntut'á jminchjín xi ja k'ien x'íhín, katsjáha ni xi machjéhen, tu xi najmi ch'á kamaha ra xuta nínku. B'a ts'ín xuta nínku kama kuasinkoho kj'ai jminchjín xi ja k'ien x'íhín xi najmi ch'a xi tjíhín.

<sup>17</sup>Kō máha jácháha xuta nínku xi yja tíjtjun nga nda ts'ín tífindjuko xáha, kui xi 'yún kayankjún, b'aha ra xi tjíhín xá ts'e s'énijmí kō xi bakúya éhen Ntíaná. <sup>18</sup>At'aha b'a títsu éhen Ntíaná: "Najmi tu tsa b'e'ai ts'a chu xi t'íbasine tuniñu nga t'íbitjá." Kō b'a ta ts'ín tjít'a ya: "Nda xi títs'ínxá tjíhín kixi nga kamachjíhí." <sup>19</sup>Najmi tu n'esihín xi kuat'éjéne nku ndacháha xuta nínku tsa najmi tjíhín tsa jo kō tsa jan já testiyu. <sup>20</sup>Tunga máha xi tu nku tíincha ts'íhín sa ngatitsun, kui xi nginkun ngayjee xuta nínku n'ek'a niyái, tu xi kas'ejña nkjúhún ra xuta nínku.

<sup>21</sup>Nginkun Ntíaná kō Jesucristo kō ntítsje xi ts'e, t'íbankihí nga n'etjusuin ni xi tíxihín. Najmi tu ngabi n'ei nga chaseihí xuta. Nkuhú n'ei. <sup>22</sup>Najmi tu ch'a chubá mjenéí ntsai nga k'uai xáíhí. At'aha tsa chubá k'uai xáhá rí, n'engujin yjohí ngatitsuhún. Je katumai.

<sup>23</sup>Najmi ta tu nku ntánijua s'ihini. Tu sa ní s'i íchí kō binu tu xi kamandaha kants'ai kō kuitjuxín ch'in xi nkjin niyá tsjáhi kjuasti.

<sup>24</sup>Tjín ngatitsun xi yaha kintehe ni nga n'ekokjua xi b'a kits'íun, kō tjín ngá xi yaha askahan. <sup>25</sup>B'a ta ts'ín ya chji chji ni nda xi ts'ín xuta, kō ni xi najmi tjíntuchj'í nd'ai najmi kama s'entu'má tehente.

**6** Máha xuta musu xi kich'atse, b'í ts'ín kats'ínnkjink'un ngat'a ts'e jántjiaha. Katenkjún kjuaxi jóo, tu xi b'a ts'ín chankjúhún Ntíaná kō ni xi t'íbakuyáa. <sup>2</sup>Kō xi tjíhín já ntia xi s'ejihín Ntíaná, kui xi ta katenkjún, ndaha tsa já nts'e ja tsichu ma jóo. Tu sa ní nda ts'ín kats'ínxát'a saha, at'aha tjoho xi títs'ínkjáíhín xáha kō at'aha ta s'ejihín Ntíaná.

Kui niǐ xi takúyaihi ko tixínyaihi xuta nǐnku.

### B'ǐ ts'ín tsakúya Pablo ngat'a ts'e toon

<sup>3</sup>Tsa tjín xi kj'ái ni tǐbakúya, nga ja ngji t'axíhǐn ni nda xi tsakúya Nda Ntǐaná Jesucristo ko kjuatéxuma xi bakúyaná nkú ts'ín chankjáán Ntǐaná, <sup>4</sup>xi b'a ts'ǐn, kui xi chuba nk'ahá tǐb'asje yjoho. Najmi chumi nihi xi be. Najmi nda tǐts'ínnkjink'un ko chuba mjehé ra k'uékjoko xuta ko k'uésiyáha tu mí éhen ni. Kui xi b'éntje kjuaxintak'uun ko kjuakjoon, nga ch'on tsuhu xinkjín xuta ko nga najmi s'ejihǐn xinkjín, <sup>5</sup>nga kjánko tehente xinkjín xuta xi ngakjá ts'ínnkjink'un ko xi najmi tjǐhǐn ni xi naxu tjín. Kui jóo xi ni xi ts'e Ntǐaná ma nchinántjaihi.

<sup>6</sup>Nga ní yankjáán Ntǐaná, kui xi kjuanchiná chánkaná, kui nga najmi ta kj'ái nihi fasihǐn raá. <sup>7</sup>B'a tjín at'aha najmi chumi nihi xi jáikaá asunteǐ ko najmi chumi nihi xi kuankínko ngáhaná. <sup>8</sup>Kui b'a maha, tsa tǐsakúná nichine ko najyun xi tǐndyjaá, tsjo kat'ená.

<sup>9</sup>Xi mjehe kama nchiná, kui xi najmi maha b'éch'oho yjoho ni xi nchjaha animaha, ko ngayjee ni xi ma mjehe b'éta'yúhǐn niu. Nkjin tǐkjá ni xi ma mjehe, tunga tu a nihí niu ko ts'ín'uhǐn. Ts'ínkatsúhǐn ko ts'ínndyjahǐ niu. <sup>10</sup>At'aha nk'ie nga 'yún mjehe toon xuta, yo nibáha ra ngayje tǐkjá ni ch'onk'un. Tjín xi b'a incha kits'ín, 'yún incha kama mje saha toon, kui nga ngji t'axíhǐn ra ko najmi ta kis'ejihǐn ra Ntǐaná. B'a ts'ín ta kui ta maha kits'ín'uhǐn ra yjoho.

### B'ǐ ts'ín kitsjáníyáha Pablo Timoteo

<sup>11</sup>Tunga máha ji xi Ntǐaná ts'ehi, tiyú t'axíhǐn ngayjee ni xu'bi. Tǐnchinjín ni xi naxu nginkun Ntǐaná, chankjúín Ntǐaná, ko tu nku n'e s'ejinní Ntǐaná. Kas'ehi kjuatjo ko kjuatsenta ko kjuanimatak'un.

<sup>12</sup>N'e sahani nga'yún nga ch'ai xi s'ejinná. Ch'a ntsjan ntsjain xi ts'ínk'íéjǐna tǐk'un sínná, at'aha j'ájihǐn nga kǐnchun tǐk'uín. Kui kjuaha nga tsixínyahani nga s'ejihǐn Jesucristo nginkun nkjin xuta.

<sup>13</sup>Ntǐaná xi ts'ínk'íéntu tǐk'un ngayjee xi tjín ko Jesucristo xi kitsúya yáha kui nk'ie nga kin'ekokjua nginkun Poncio Pilato, tǐincha be nga tǐb'exáha. <sup>14</sup>N'etjusun sisin ni xi tǐxihǐn ko najmi tu kas'e má ndyjaǐhǐn. B'a n'eí santaha nkúhu nga kj'uaí kúchji yjoho Nda Ntǐaná Jesucristo. <sup>15</sup>Kui xi kj'uaí nk'ie nga kuichú chuba, chuba xi Ntǐaná y'éjǐna, at'aha Ntǐaná xi n'etsjoho ko kui xi batéxuma suba, kui xi Nda rejǐhi já rej ko Ntǐaha já ntǐa. <sup>16</sup>Nku tutu kui xi najmi maha ndyja, xi tǐjǐajin nd'í nga najmi ch'a ma bichúk'un tiǐaha, xi najmi kjee ch'a behe ko najmi ch'a ma base'aha. ¡Kui xi tu nkjéhé ni kayankjún ko kasakúchji nga'yúhǐn! B'a katuma.

<sup>17</sup>Já nchiná xi tjín asunteǐ n'ek'a niyái nga najmi tu nk'a k'uasje yjoho ko nga najmi tu kjuanchináha kama 'yún k'un, at'aha maha fe

kjuanchinóo. Ntia níná katuma 'yún k'un, kui xi tsjáná ngayje tíkjá ni xi machénná tū xi nda ts'ín kuintsuqbahaná. <sup>18</sup>B'a t'ihin já nchinóo nga kats'ín ni xi nda kō nga kui niū xi katuma kjuanchináná ndaha. Katsjáha xutá xingisoo ni xi machjéhen kō najmi tū kats'ínxkíhin xutá ni xi tjíhin. <sup>19</sup>Tsa ts'ín kui nii, s'ehe kjuanchináná nda xi kuasinkoho kō sakúhu nga k'úentu tík'un xi nkú ts'ín tjeheh ra.

<sup>20</sup>Ji Timoteo, n'etjusun sisin ch'á xi kich'anji. Najmi tū nungijin yohi én tiya xi tjin qsunntej kō tá ndaha ni tsank'á xi b'ésiyáha xutá xi b'a tsu nga tjíhin kjuankjintak'un. <sup>21</sup>At'aha tjin xi kits'ín s'ejin kjuankjintak'un tsank'á xu'bo kō b'a ts'ín incha ngji t'axíhin ra xi s'ejinná.

Kjuandaha Ntíaná kas'enuu.